



S **F** **R** **F** **e** **r** **d** **i** **n** **a** **n** **d**
d **e** **r** **D** **r** **i** **t** **t** **e** / **v** **o** **n** **G** **o** **t** **t** **e** **s**

G **n** **a** **d** **e** **n** / **E** **r** **w** **o** **h** **l** **t** **e** **r** **R** **o** **m** . **K** **a** **i** **s** **e** **r** /
 zu allen Zeiten Mehrer des Reichs / in Ger-
 manien / zu Hungarn / vnd Böhaimb / ic.
K **o** **n** **i** **g** / **E** **r** **k** - **H** **e** **r** **z** **o** **g** **z** **u** **D** **e** **s** **t** **e** **r** **r** **e** **i** **c** **h** / **H** **e** **r** **z** **o** **g**
 zu Burgund / Steyr / Kärndten / Crain / vnd Württemberg / in Ober:
 vnd Nider Schlesien / Marggraffe zu Mähren / in Ober: vnd Nider
 Lausniz / Graffe zu Habsburg / Tyrol / vnd Görz / ic. Entbieten N.
 allen / vnd jeden Unsern Unterthanen / Geist: vnd Weltlichen / was
 Würden / Stands / oder Weesens / die in Unserm Erb- Herzogthumb
 Desterreich vnter der Enns gesessen / vnd wonhafft seynd / auch sonst
 männiglich / so vor Unserer N. Dest Regierung / vnd Landmarschall-
 schen Gericht / zuthun / oder zuhandlen haben / vnser Gnad / vnd alles
 Guts / vnd sügen euch hiemit gnädigst zuvernehmen.

Demnach die Erfahrung geben / was massen ein Zeit hero / zu wider
 denen von Unsern geehrtisten Vorfahrem außgangenen Generalien,
 der Executions-Process in Liquidirten Schuldsachen / fürnehmlich
 wegen allerhand / von denen unzuhaltig: vnd böshafftigen Schuld-
 nern gesuchten Kencf / vnd Vorthelligkeiten / auch Unserer nachgesetz-
 ten Obrigkeit gefallenem Respekt, vnd Gehorsams / also verlengert
 worden / daß die Glaubiger / theils bey ihren gehalten richtigen An-
 forderungen Noth leyden: Theils auß Armut / von der Execution
 gar ablassen müssen / oder doch über vil lange Zeit / vnd darzue mit gros-
 ser Mühe / vnd Unkosten / zu dem ihrigen widerumb gelangen mögen /
 vnter dessen gedacht: Unsere nachgesetzte Richter vnaußhörlich an-
 geloffen / vnd an vnsern eigenen Geschäft: vnd Berrichtungen gehin-
 dert / auch der Credit durchgehend geschwächt worden / vnd fast ge-
 fallen.

Wann Wir Uns dann vnter andern höchlich angelegen seyn lassen zu Widerbring: vnd Erhaltung / des bey disen Zeiten geschwundenen Credits, Thrauen / vnd Glaubens / jedermänniglich schleinigtes Recht zuertheilen / vnd allem widrigen / so dasselbe hindern möchte / möglicht zu steuren / vnd fürzukommen; als haben Wir / den bishero geführten Executions-Proceß, abzukürzen / für ein sonderbahre Nothturfft gehalten: Und demnach über gehöriger Orthen abgefördert: Auch einkommene Bericht / vnd Gutachten / insonderheit aber / nach Vernehmung Unserer getreu-gehorsambisten Stände auff ein Neue Executions-Ordnung / wie die bey obernent vnserer N. Dest. Regierung vnd Landmarschallischen Gericht ins künfftig zuhalten / auff Unser: vnd Unserer Erben / vnd Nachkommen wohlgefahlen / nachfolgender Gestalt / Uns gnädigist resolvirt, vnd entschlossen.

Der Erste Titul.
Von dem Gebotts-Brieff.
§. I.

Auff bekännliche mit des Schuldners Handschrift / vnd Pertschaft / wie auch Unserer Stadt / vnd Märckt / mit ihren Insigeln bekräftigte Schuld-Brieff / darinnen die rechte vnd wahre Ursach / woher solche Schuld eigentlich rühret / begriffen / vnd andere lautere Forderungen / setzen / ordnen / vnd wollen Wir / daß so wohl bey Unserer N. Dest. Regierung / als Landmarschallischen Gericht / nach Inhalt des hievor am Fünfftten Decembris abgewichenen Sechzehnhundert Drey vnd dreyßigsten Jahrs / des halben außgangenen General-Mandats, die schleinige Execution, vnd zwar als balden auff die erste Klag / der Gebotts-Brieff hinführo solle verwilliget / vnd außgefertiget werden / derselben / alsdann mehr nicht / als von Zeit der Uberantwortung an / vierzehnen Tag begreifen.

Der Anderte Titul.
Von Wahrnungs Rathschlag.
§. I.

Wann nun der Schuldner die Bezahlung innerhalb solchen vierzehnen Tagen nicht laisset / soll auff des Glaubigers ferrers anruessen / der Wahrnungs Rathschlag / daß ist / die
Voll